

十八家詩鈔

十八家詩鈔卷十四目錄

蘇東坡七古中百三十四首

聽賢師琴

贈寫真何充秀才

潤州甘露寺彈箏

虎兒

鐵溝行贈喬太博

蘇州姚氏三瑞堂

莫笑銀杯小答喬太博

送段屯田分得于字

次韻章傳道喜雨

惜花

寄劉孝叔

張安道樂全堂

和蔣夔寄茶

薄薄酒二首

趙郎中見和戲復答之

送碧香酒與趙明叔教授

趙旣見和復次韻答之

趙郎中往葛縣逾月而歸復以一壺遺之仍用前韻

醕別釋迦院牡丹呈趙倅

大雪青州道上有懷東武園亭寄孔周翰

書韓幹牧馬圖

和李邦直沂山祈雨有應

和子由與顏長道同游百步洪相地築亭種柳

送顏復兼寄王鞏

蝎虎

章質夫寄惠崔徽真

代書答梁先

河復

韓幹馬十四匹

贈寫御容妙善師

答呂梁仲屯田

答孔周翰求書與詩

送李公恕赴闕

春菜

送孔郎中赴陝郊

與梁左藏會飲傅國博家

約公擇飲是日大風

續麗人行

起伏龍行

次韻答劉涇

攜妓樂游張山人園

和子由送將官梁左藏仲通

次韻秦觀秀才見贈秦與孫莘老李公擇甚熟將入京應舉

僕曩於長安陳漢卿家見吳道子畫佛碎爛可惜其後十餘年復見之於鮮于子駿家則已裝背完好子駿以見遺作詩謝之

次韻舒教授寄李公擇

次韻答舒教授觀余所藏墨

答范瀟甫

次韻答王定國

芙蓉城

送將官梁左藏赴莫州

中秋見月寄子由

答王鞏

九日黃樓作

李思訓畫長江絕島圖

次韻王鞏獨眠

登雲龍山

次韻僧潛見贈

次韻潛師放魚

百步洪二首

夜過舒堯文戲作

次韻舒堯文祈雪霧縉泉

石炭

作書寄王晉卿忽憶前年寒食北城之游走筆爲此詩

雪齋

月夜與客飲杏花下

詩

卷一

目錄

一



田國博見示石炭詩有鑄劍斬佞臣之句次韻答之  
舟中夜起

次韻秦太虛見戲耳聾

送劉寺丞赴餘姚

王鞏清虛堂

送淵師歸徑山

與胡祠部游法華山

又次前韻贈賈耘老

趙閱道高齋

過新息畱示鄉人任師中

定惠院寓居月夜偶出

次韻前篇

安國寺尋春

寓居定惠院之東雜花滿山有海棠一株土人不知貴也  
次韻樂著作野步

王齊萬秀才寓居武昌縣劉郎汭正與伍洲相對伍子胥  
奔吳所從渡江也

陳季常自岐亭見訪郡中及舊州諸豪爭欲邀致之戲作  
陳孟公詩一首

武昌銅劍歌

石芝

與子由同游寒谿西山

五禽言五首

鐵拄杖

四時詞四首

二蟲

徐使君分新火

蜜酒歌

又一首答二猶子與王郎見和

次韻孔毅父集古人句見贈五首

上巳日與二三子攜酒出游隨所見輒作數句明日集之  
爲詩故詞無倫次

次韻孔毅父久旱已而甚雨三首

孔毅父以詩戒飲酒問買田且乞墨竹次其韻

任師中挽辭

和蔡景繁海州石室

和秦太虛梅花

再和潛師

生日王郎以詩見慶次其韻並寄茶二十一片

過江夜行武昌山上聞黃州鼓角

自興國往筠宿石田驛南廿五里野人舍

將至筠先寄遲迺遠三猶子

別子由三首兼別遲

郭祥正家醉畫竹石壁上郭作詩爲謝且遺二古銅劍

龍尾硯歌

張近幾仲有龍尾子石硯以銅劍易之

張作詩送硯反劍乃和其詩卒以劍歸之

眉子石硯歌贈胡闇

送沈遠赴廣南

豆粥

秦少游夢發殯而葬之者云是劉發之柩是歲發首薦秦  
以詩賀之劉涇亦作因次其韻

龜山辯才師

贈潘谷

蒜山松林中可卜居余欲僦其地地屬金山故作此詩與

金山元長老

蔡景繁官舍小閣

十八家詩鈔卷十四目錄

善化黃維申襄校

十八家詩鈔卷十四

湘鄉曾國藩集 合肥李鴻章審訂 東湖王定安校

蘇東坡七古中百三十四首

聽賢師琴

大絃春溫和且平小絃廉折亮以清平生未識宮與角但聞牛  
鳴盎中雉登木門前剝啄誰叩門山僧未閑君勿瞋歸家且覓  
千斛水淨洗從前箏篴耳

贈寫真何充秀才

君不見潞州別駕眼如電左手挂弓橫撚箭又不見雪中騎驢  
孟浩然皺眉吟詩肩聳山飢寒富貴兩安在空有遺像留人閒



十八家詩金 卷十四  
此身常擬同外物浮雲變化無蹤迹問君何苦寫我真君言好  
之聊自適黃冠野服山家容意欲置我山巖中勳名將相今何  
限往寫襄公與鄂公

潤州甘露寺彈箏

多景樓上彈神曲欲斷哀絃再三促江妃出聽霧雨愁白浪翻  
空動浮玉金公自注喚取吾家雙鳳槽遣作三峽孤猿號與君合  
奏芳春調啄木飛來霜樹杪

虎兒

舊聞老蚌生明珠未省老兔生於菟老兔自謂月中物不騎快  
馬騎蟾蜍蟾蜍爬沙不冒行坐令青衫垂白鬢於菟駿猛不類

渠指揮黃熊駕黑羆丹砂紫府不用塗眼光百步走妖狐妖狐  
莫誇智有餘不勞搖身阻爾徒

鐵溝行贈喬太博

城東坡隴何所似風吹海濤低復起城中病守無所爲走馬來  
尋鐵溝水鐵溝水淺不容舫恰似當年韓與侯有魚無魚何足  
道駕言聊復寫我憂孤村野店亦何有欲發狂言須斗酒山頭  
落日側金盆倒著接羅搔白首忽憶從軍年少時輕裘細馬百  
不知臂弓腰箭南山下追逐長楊射獵兒老去同君兩憔悴犯  
夜醉歸人不避明年定起故將軍未肯先誅霸陵尉

蘇州姚氏三瑞堂

公自注姚氏  
世以孝稱

君不見董召南隱居行義孝且慈天公亦恐無人知故令雞狗相哺兒又令韓老爲作詩爾來三百年名與淮水東南馳此人世不乏此事亦時有楓橋三瑞皆目見天意宛在虞鰥後惟有此詩非昔人君更往求無價手

莫笑銀杯小答喬太博

陶潛一縣令獨飲仍獨醒猶將公田二頃五十畝種秫作酒不種杭我今號爲二千石歲釀百石何以醉賓客請君莫笑銀杯小爾來歲旱東海窄會當拂衣歸故邱作書貸粟監河侯萬斛船中著美酒與君一生長拍浮

送段屯田分得于字

勸農使者古大夫不惜春衫踐泥塗王事靡盬君甚劬奉常客  
卿虬兩須東武縣令天馬駒泮宮先生非俗儒相與野飲四子  
俱樂哉此樂城中無溪邊策杖自攜壺腰笏不煩何易于膠西  
病守老且迂空齋愁坐紛墨朱四十豈不知頭顱畏人不出何  
其愚

次韻章傳道喜雨

公自注禱常山而得

去年夏旱秋不雨海畔居民飲鹹苦今年春暖欲生螾地上戢  
戢多於土預憂一日開兩翅口吻如風那肯吐前時渡江入吳  
越布陣橫空如頂羽

公自注去歲錢塘見飛蝗自西北來極可畏

農夫拱手但垂泣

人力區區固難禦撲緣鬣毛困牛馬啖齧衣服穿房戶坐觀不

救亦何心秉畀炎火傳自古荷鋤散掘誰敢後得米濟飢還小  
補常山山神信英烈撫駕雷公訶電母應憐郡守老且愚欲把  
瘡痍手摩撫山中歸時風色變中路已覺商羊舞夜窗騷騷聞  
松竹朝畦泫泫流膏乳從來蝗旱必相資此事吾聞老農語庶  
將積潤掃遺孽收拾豐歲還明主縣前已窖八千斛公自注今  
蝗子入  
千餘斛率以一升完一畝更看蠶婦過初眠公自注蠶一眠得  
則蝗不復生矣未  
用賀客來旁午先生筆力吾所畏蹢躅鮑謝跨徐庾偶然談  
笑得佳篇便恐流傳成樂府陋邦一雨何足道吾君盛德九州  
普中和樂職幾時作試向諸生選簡武

惜花

吉祥寺中錦千堆

公自注錢鼎花最盛處

前年賞花真盛哉道人勸我清

明來腰鼓百面如春雷打徹涼州花自開沙河塘上插花回醉

倒不覺吳兒吟豈知如今雙鬢摧城西古寺沒蒿萊有僧閉門

手自栽千枝萬葉巧剪裁就中一叢何所似馬腦槃盛金縷杯

而我食菜方清齋對花不飲花應猜夜來雨雹如李梅紅殘綠

暗吁可哀

公自注錢塘吉祥寺花為第一王子清明賞會最盛金盤綵籃以獻於座者五十三人夜歸沙河塘上觀

者如山爾後無復繼也今年諸家園圃花亦極盛而龍興僧房叢亦奇但衰病牢落自無以發興耳昨日雨雹如此花之存

者有幾可為歎息也

寄劉孝叔

施注劉孝叔名述神宗時擢侍御史知雜數論

歲提舉崇禧觀東坡倅杭與孝叔會虎邱和其二詩吳興六客堂孝叔其一一人也此詩首言征伐之意熙甯三

年

年十一月詔京畿河北東西路置三十七將將官遂  
與州郡長吏爭衡故云聯翩三十七將軍走馬西來各  
開府又立保甲法令諸州籍保甲聚民而教之禁令苛  
急往往去爲盜郡縣不敢以聞故云保甲連村閭未徧  
五年立方田均稅法詔司農以條約並式頒之天下歲  
以九月委令佐分地計量乃書戶帖連莊帳付之以爲  
地符故云方田訟牒紛如雨七年呂惠卿建手實法使  
民自上其家之物產而官爲注籍奉使者至析秋毫天  
下病之至八年十月乃罷故曰爾來手實降新書云云  
又曰平生學問止流俗是時安石凡議其新政者皆以  
流俗謂之也孝叔年七十二卒  
紹興開錄其風節贈祔閣修撰

君王有意誅驕鹵  
椎破銅山鑄銅虎  
聯翩三十七將軍走馬西  
來各開府南山伐木作車軸  
東海取鹽漫戰鼓汗流奔走誰敢  
後恐乏軍興  
汗償斧保甲連村閭未遍  
方田訟牒紛如雨爾來  
手實降新書  
抉剔根株窮脈縷  
詔書惻怛信深厚  
吏能淺薄空

勞苦平生學問止流俗眾裏誰比數忽令獨奏鳳將雛倉  
卒欲吹那得譜況復連年苦饑饉剝齧草木啖泥土今年雨雪  
頗應時又報蝗蟲生翅股憂來洗盞欲強醉寂寞虛齋臥空甌  
公廚十日不生煙更望紅裙踏筵舞故人屢寄山中信只有當  
歸無別語方將雀鼠偷太倉未肯衣冠挂神武吳興丈人真得  
道平日立朝非小補自從四方冠蓋開歸作二浙湖山主高蹤  
已自雜漁釣大隱何曾棄簪組去年相從殊未足問道已許談  
其粗一作祖逝將棄官往卒業俗緣未盡那得覩公家只在雪谿  
上上有白雲如白羽應憐進退苦皇皇更把安心教初祖

張安道樂全堂



列子御風殊不惡。猶被莊生譏數數。步兵飲酒中散琴。於此得全非至樂。樂全居士全於天。維摩丈室空。脩然平生痛飲。今不飲。無琴不獨。今無絃。我公天與英雄表。龍章鳳姿照魚鳥。但令端委坐廟堂。北狄西戎談笑了。如今老去苦思歸。小字親書寄我詩。試問樂全全底事。無全何處更相虧。

和蔣夔寄茶

我生百事常隨緣。四方水陸無不便。扁舟渡江適吳越。三年飲食窮芳鮮。金蠶玉膾飯炊雪。海螯江柱初脫泉。臨風飽食甘寢罷。一甌花乳淨。輕圓自從捨舟入東武。沃野便到桑麻川。剪毛胡羊大如馬。誰記鹿角腥。槃筵廚中烝粟埋飯糲。大杓更取酸。

生涎施注世說諸玩飲酒不復川常杯斟酌柘羅銅碾棄不用

脂麻白土須盆研故人猶作舊眼看謂我好尚如當年沙谿北

苑强分別水腳一線爭誰先清詩兩幅寄千里紫金百餅費萬

錢吟哦烹噉兩奇絕只恐偷乞煩封纏老妻稚子不知愛一半

已入薑鹽煎人生所遇無不可南北嗜好知誰賢死生禍福久

不擇更論甘苦爭蚩妍知君窮旅不自釋因詩寄謝聊相鐫

### 薄薄酒二首

並序

膠西先生趙明叔家貧好飲不擇酒而醉常云薄薄酒

勝茶湯醜醜婦勝空房其言雖俚而近乎達故推而廣

之以補東州之樂府既又以爲未也復自和一篇以發

覽者之一喙云耳

薄薄酒勝茶湯麤麤布勝無裳醜妻惡妾勝空房五更待漏韓  
滿霜不如三伏日高睡足北窗涼珠襦玉柩萬人相送歸北邙  
不如懸鶉百結獨坐貧朝陽生前富貴死後文章百年瞬息萬  
世忙夷齊盜跖俱亡羊不如眼前一醉是非憂樂兩都忘  
薄薄酒飲兩鍾麤麤布著兩重美惡雖異醉暖同醜妻惡妾壽  
乃公隱居求志義之從本不計較東華塵土北窗風百年雖長  
要有終富死未必輸生窮但恐珠玉畱君容千載不朽遭樊崇  
文章自足欺盲聾誰使一朝富貴面發紅達人自達酒何功世  
閒是非憂樂本來空

趙郎中見和戲復答之

趙子吟詩如潑水一揮三百八十字柰何效我欲尋醫恰似西  
施藏白地趙子飲酒如淋灰一年十萬八千盃若不令君早入  
務飲竭東海生黃埃我衰臨政多繆錯羨君精采如秋鶚頗哀  
老子今日飲爲君坐嘯主豔諾

送碧香酒與趙明叔教授

聞君有婦賢且廉勸君慎勿爲楚相不羨紫駝分御食自遣赤  
腳沽村釀嗟君老狂不知愧更吟醜婦惡嘲謗諸生聞語定失  
笑冬暖號寒臥無帳碧香近出帝子家鵝兒破殼酥流盎不學  
劉伶獨自飲一壺往助齊眉餉

趙既見和復次韻答之

長安小吏天所放。日夜歌呼和丞相。豈知後世有阿瞞。北海樽前提私釀。先生未出禁酒國。詩語孤高常近謗。幾回無酒欲沽君。卻畏有司書簿帳。酸寒可笑分一斗。日飲亡何足袁盎。更將險語壓衰翁。只恐自是臺無餉。

趙郎中往菖縣逾月而歸復以一壺遺之仍用前韻

東鄰主人游不歸。悲歌夜夜聞春相。門前人鬧馬嘶急。一家喜氣如春釀。王事何曾怨獨賢。室人豈忍交譴謗。大兒踉蹌越門限。小兒呶啞語繡帳。定教舞袖掣伊涼。更想夜庖鳴甕盎。題詩送酒君勿誚。免使退之嘲一餉。

留別釋迦院牡丹呈趙倅

春風小院卻來時  
壁閒惟見使君詩  
應問使君何處去  
憑花說與春風知  
年年歲歲何窮已  
花似今年人老矣  
去年崔護若重來  
前度劉郎在千里

大雪青州道上有懷東武園亭寄孔周翰

超然臺上雪城郭  
山川兩奇絕  
海風吹碎碧琉璃  
時見三山白  
銀闕蓋公堂前雪  
綠窗朱戶相明滅  
堂中美人雪爭妍  
粲然一笑玉齒頰  
就中山堂雪更奇  
青松怪石亂瓊絲  
惟有使君游不歸  
五更上馬愁斂眉  
君不見淮西李侍中  
夜入蔡州縛取吳元  
濟又不見襄陽孟浩然  
長安道上騎驢吟  
雪詩何當閉門飲美

酒無人毀譽河東守

書韓幹牧馬圖

南山之下汧渭之間想見開元天寶年八坊分屯隘秦川四十  
萬匹如雲煙騅駟駟駟駟駟駟駟駟駟駟駟駟駟駟駟駟駟駟駟駟  
且妍奇姿逸德隱驚頑碧眼胡兒手足鮮歲時剪刷供帝閑柘  
枹臨池侍三千紅妝照日光流淵樓下玉螭吐清寒往來蹙踏  
生飛湍眾工舐筆和朱沿先生曹霸弟子韓廐馬多肉尻誰音  
圓肉中畫骨誇尤難金羈玉勒繡羅鞍鞭筆刻烙傷天全不如  
此圖近自然平沙細草荒芊綿驚鴻脫兔爭後先王良挾策飛  
上天何必俯首服短轡

和李邦直沂山祈雨有應

高田生黃埃下田生蒼耳蒼耳亦已無更聞麥有幾蛟龍睡足  
亦解慙二麥枯時雨如洗不知雨從何處來但聞呂梁百步聲  
如雷試上城南望城北際天蔽粟靄成堆飢火熾腸作牛吼不  
知待得秋成否半年不雨坐龍慵共怨天公不怨龍今朝一雨  
聊自贖龍神社鬼各言功無功日盜太倉穀嗟我與龍同此責  
勸農使者不汝容因君作詩先自劾

和子由與顏長道同游百步洪相地築亭種柳

平明坐衙不暖席歸來閉閣閑終日臥聞客至倒屣迎兩眼蒙  
籠餘睡色城東泗水步可到路轉河洪翻雪白安得青絲絡駿



馬蹙踏飛波柳陰下奮身三丈兩蹏開振鬣長鳴身自乾少年  
狂興久已謝但憶嘉陵遶劔關劔關大道車方軌君自不去歸  
何難山中故人應大笑築室種柳何時還

送顏復兼寄王鞏

彭城官居冷如水誰從我遊顏氏子我衰且病君亦窮窮相  
守正其理胡爲一朝捨我去輕衫觸熱行千里問君無乃求之  
歟答我不然聊爾耳京師萬事日日新故人如故今有幾君知  
牛行相君宅扣門但覓王居士清詩草聖俱入妙別後寄我書  
連紙苦恨相思不相見約我重陽喚霜藥君歸可喚與俱來未  
應指目妨進擬太一老仙閑不出一公自注張安道爲中太踵門

問道今時矣因行過我路幾何願君推挽加鞭箠吾儕一醉豈  
易得買羊釀酒從今始

蝸虎

黃雞啄蝸如啄黍窗閒守宮稱蝸虎閭中繳尾伺飛蟲巧捷功  
夫在腰膂跂跂脈脈善緣壁陋質從來誰比數今年歲旱號蜥  
蜴狂走兒童鬧歌舞能銜渠水作冰雹便向蛟龍覓雲雨守宮  
努力搏蒼蠅明年歲旱當求汝

章質夫寄惠崔徽真

玉釵半脫雲垂耳亭亭芙蓉在秋水當時薄命一酸辛千古華  
堂奉君子水邊何處無麗人近前試看丞相瞋不如丹青不解

十八家詩錄 卷一四  
語世閒言語原非真知君被惱更愁絕卷贈老夫驚老拙爲君  
援筆賦梅花未害廣平心似鐵

代書答梁先

此身與世真悠悠蒼顏華髮誰汝留強名太守古徐州忘歸不  
如楚沐猴魯人豈獨不知邱躋藉夫子無罪尤異哉梁子清而  
脩不遠千里從我游瞭然正色懸雙眸世之所馳子獨不一經  
通明傳節侯小楷精絕規摹歐公自注梁生學歐陽公書我衰廢學懶且媿  
畏見問事買長頭別來紅葉黃花秋夜夢見之起坐愁遺我駿  
石盆與甌黑質白章聲琳球謂言山石生淵溝追琢尙可王公  
羞感子佳意能無酬反將木瓜報珍投學如富貴一作賈在博收

仰取俯拾無遺籌道大如天不可求修其可見致其幽願子篤  
寶慎勿淨發憤忘食樂忘憂

河復並序

熙甯十年秋河決澶淵注鉅野入淮泗自澶魏以北皆  
絕流而濟楚大被其害彭門城下水二丈八尺七十餘  
日不退吏民疲於守禦十月十三日澶州大風終日既  
止而河流一枝已復故道聞之喜甚庶幾可塞乎乃作  
河復詩歌之道路以致民願而迎神休蓋守土者之志  
也

君不見西漢元光元封間河決瓠子二十年鉅野東傾淮泗滿

楚人恣食黃河鱸萬里沙回封禪罷初遣越巫沈白馬河公未  
許人力窮薪芻萬計隨流下吾君仁聖如帝堯百神受職河神  
驕帝遣風師下約束北流夜起澶州橋東風吹凍收微淥神功  
不用淇園竹楚人種麥滿河淤仰看浮槎樓古木

韓幹馬十四匹

二馬竝驅攢八蹄二馬宛頸駿尾齊一馬任前雙舉後一馬卻  
避長鳴嘶老髯奚官騎且顧前身作馬通馬語後有八匹飲且  
行微流赴吻若有聲前者既濟出林鶴後者欲涉鶴俛啄最後  
一匹馬中龍不嘶不動尾搖風韓生畫馬真是馬蘇子作詩如  
見畫世無伯樂亦無韓此詩此畫誰當看

贈寫御容妙善師

憶昔射策干先皇。珠簾翠幄分兩廂。紫衣中使下傳詔。跪奉冉冉聞天香。仰觀眩晃目生暈。但見曉色開扶桑。迎陽隨出步就坐。絳紗玉斧光照廊。野人不識日月角。彷彿髣髴尙記重瞳光。三年歸來真一夢。橋山松檜淒風霜。天容玉色誰敢畫。老師古寺畫閉房。夢中神授心有得。覺來信手筆已忘。幅巾常服儼不動。孤臣入門涕自滂。元老俯坐鬢眉古。虎臣立侍冠劒長。平生慣寫龍鳳質。肯顧草間猿與麕。都人踏破鐵門限。黃金白壁空堆牀。爾來摹寫亦到我。謂是先帝白髮郎。不須覽鏡坐自了。明年乙未身歸故鄉。

答呂梁仲屯田

亂山合沓圍彭門官居獨在懸水村

公自注懸水村呂梁地名

居民蕭條雜

麋鹿小市冷落無雞豚黃河西來初不覺但訝清泗流奔渾夜

聞沙岸鳴鶴益曉看雪浪浮鵬鷗呂梁自古喉吻地萬頃一抹

何由吞坐觀入市卷閭井吏民走盡餘王尊計窮路斷欲安適

吟詩破屋愁鳶蹲

以上言河決水盛

歲寒霜重水歸壑但見屋瓦留沙

痕入城相對如夢寐我亦僅免爲魚鼉旋呼歌舞雜談笑不惜

飲醕空餅盆念君官舍冰雪冷新詩美酒聊相溫人生如寄何

不樂任使絳蠟燒黃昏

以上水退相慰

宣房未築淮泗滿故道堙滅瘡

痍存明年勞苦應更甚我當畚鍤先黥髡付君萬指伐頑石千

鉤雷動蒼山根高城如鐵洪口快談笑卻掃看朋奔農夫掉臂  
免狼顧秋穀布野如雲屯還須更置軟腳酒爲君擊鼓行金樽  
以上言明  
年塞河

答孔周翰求書與詩

身閑曷不長閉口天寒正好深藏手吟詩寫字有底忙未脫多  
生宿塵垢不蒙譏訶子厚疾反更刻畫無鹽醜征西自有家雞  
肥太白應驚飯山瘦與君相從知幾日東風待得花開否撥棄  
萬事勿復談百觚之後那辭酒

送李公恕赴闕

君才有如切玉刀見之凜凜寒生毛願隨壯士斬蛟蜃不願腰



閒纏錦條用違其才志不展坐與胥吏同疲勞忽然眉上有黃  
氣吾君漸欲收英髦立談左右俱動色一語徑破千言牢我頃  
分符在東武脫略萬事惟嬉遨盡壞屏障通內外仍呼騎曹爲  
馬曹君爲使者見不問反更對飲持雙螯酒酣箕坐語驚眾雜  
以嘲諷窮詩騷世上小兒多忌諱獨能容我真賢豪爲我買田  
臨汶水逝將歸去誅蓬蒿安能終老塵土下俯仰隨人如桔槔

### 春菜

蔓菁宿根已生葉韭芽戴土拳如蕨爛蒸香薺白魚肥碎點青  
蒿涼餅滑宿酒初消春睡起細履幽畦掇芳辣茵陳甘菊不負  
渠鱸縷堆槃纖手抹北方苦寒今未已雪底波稜如鐵甲豈如

吾蜀富冬。疏葉露芽寒。更在久拋松葛。猶細事苦筍江豚。那  
忍說。明年投劾。徑須歸。莫待齒搖。竝髮脫。

送孔郎中赴陝郊

驚風擊面黃沙走。西出嶠函。脫塵垢。使君來自古徐州。聲震河  
潼。殷關右。十里長亭。聞鼓角。一川秀色。明花柳。北臨飛檻。卷黃  
流。南望青山如峴首。東風吹開錦繡。谷淥水翻動蒲萄。酒訟庭  
生草。數開樽。過客如雲。牢閉口。

與梁左藏會飲傅國博家

將軍破賊自草檄。論詩說劍俱第一。彭城老守本虛名。識字劣  
能欺項籍。風流別駕貴公子。欲把笙歌暖鋒鏑。紅旂朝開猛士

噪翠帷暮卷佳人出東堂醉臥呼不起  
曉鳥落花春寂寂試教長笛傍耳根  
一聲吹裂堦前石

約公擇飲是日大風

先生生長匡廬山山中讀書三十年  
舊聞飲水師顏淵不知治劇乃所便  
偷兒夜探赤白丸鬻髯忽逢朱子元  
半年羣盜誅七百誰信家書藏九千  
春風無事秋月閑紅妝執樂豪且妍  
紫衫玉帶兩部全琵琶一抹四十絃  
客來畱飲不計錢齊人愛公如子  
產兒唬臥路呼不還我慙山郡空  
畱連身兵部吏笑我褻邀公飲酒  
公無難約束官奴買花釵薰衣理  
鬢夜不眠曉來顛風塵暗天我思  
其由豈坐慳作詩媿謝公笑謹歸  
來惡縮愈不安

要當啖公八百里豪氣一洗儒生醜

續麗人行

並序

李仲謀家有周昉畫背面欠伸內人極精戲作此詩

深宮無人春日長沈香亭北百花香美人睡起薄梳洗燕舞鶯  
哢空斷腸畫工欲盡無窮意背立東風初破睡若教回首卻嬌  
然陽城下蔡俱風靡杜陵飢客眼長寒蹇驢破帽隨金鞍隔花  
臨水時一見只許腰肢背後看心醉歸來茅屋底方信人閒有  
西子君不見孟光舉案與眉齊何曾背面傷春哢

心醉二句拙  
孟光二句腐

起伏龍行

並引

徐州城東二十里有石潭父老云與泗水通增損清濁

相應不差時有河魚出焉元豐元年春旱或云置虎頭潭中可以致雷雨用其說作起伏龍行

何年白竹千鈞弩射殺南山雪毛虎至今顱骨帶霜豈尙作四海毛蟲祖東方久旱千里赤三月行人口生土碧潭近在古城東神物所蟠誰敢侮上欹蒼石擁巖竇下應清河通水府眼光作電走金蛇鼻息爲雲擺煙縷當年負圖傳帝命左右義軒詔神禹爾來懷竇但貪眠滿腹雷霆瘖不吐赤龍白虎戰明日注是月丙辰自公  
明日庚寅一怒倒卷黃河作飛雨嗟我豈樂關兩雄有事徑須煩

次韻答劉涇

吟詩莫作秋蟲聲。天公怪汝鉤物情。使汝未老華髮生。芝蘭得  
雨蔚青青。何用自燔以出馨。細書千紙雜真行。新音百變口如  
鶯。異義蠶起弟子爭。舌翻濤瀾卷齊城。萬卷堆胸兀相撐。以病  
爲樂子未驚。劉以上嘲我有至味非煎烹。是中之樂吁難名。綠槐  
如山閨闥庭。飛蟲繞耳細而清。敗席展轉臥見經。亦自不嫌翠  
織成。意行信足無溝坑。不識五郎呼作卿。吏民哀我老不明。相  
戒無復煩鞭刑。時臨泗水照星星。微風不起鏡面平。安得一舟  
如葉輕。臥聞垂籤報水程。尊羹羊酪不須評。一飽且救飢腸鳴。  
己以上敘樂

搆妓樂游張山人園

大杏金黃小麥熟墮巢乳鵲拳新竹故將俗物惱幽人細馬紅  
妝滿山谷提壺勸酒意雖重杜鵑催歸聲更速酒闌人散卻關  
門寂歷斜陽挂疏木

和子由送將官梁左藏仲通

雨足誰言春麥短城堅不怕秋濤卷日長惟有睡相宜半脫紗  
巾落紈扇芳草不鋤當戶長珍禽獨下無人見覺來身世都是  
夢坐久枕痕猶著面城西忽報故人來急掃風軒炊麥飯公自注徐  
州所出伏波論兵初矍鑠中散談仙更清遠南都從事亦學道不  
邱腸空誇腦滿問羊他日到金華應許相將游閬苑前八句自敘開適之

趣後八句敘梁  
來徐兼憶子由

次韻秦觀秀才見贈秦與孫莘老李公擇甚熟將入京應舉

夜光明月非所投逢年遇合百無憂將軍百戰竟不侯伯郎一  
斗得涼州翹關負重非無力十年不入紛華域故人坐上見君  
文謂是古人吁莫測新詩說盡萬物情硬黃小字臨黃庭故人  
已去君未到空吟河畔草青青誰謂他鄉各異縣天遣君來破  
吾願一聞君語識君心短李髯孫眼中見江湖放浪久全真忽  
然一鳴驚倒人縱橫所值無不可知君不怕新書新千金敝帚  
那堪換我亦淹畱豈長算山中旣未決同歸我聊爾耳君其漫  
僕曩於長安陳漢卿家見吳道子畫佛碎爛可惜其後十



餘年復見之於鮮于子駿家則已裝背完好子駿以見

遺作詩謝之

貴人金多身復閑爭買書畫不計錢已將鐵石充逸少

公自注法帖大

王書中有股鐵石字

更補朱繇爲道玄

公自注世所收吳道暉

薰屋漏裝玉軸鹿皮蒼壁知誰賢吳生畫佛本神授夢中化作

飛空仙覺來落筆不經意神妙獨到秋毫顛昔我長安見此畫

歎息至寶空漚然素絲斷續不忍看已作蝴蝶飛聯翩君能收

拾爲補綴體質散落嗟神全謫公髣髴見刀尺修羅天女猶雄

妍如觀老杜飛鳥句脫字欲補知無緣問君乞得良有意欲將

俗眼爲洗湔貴人一見定羞忤錦囊千紙何足捐不須更用博

麻纒付與一炬隨飛煙

次韻舒教授寄李公擇

草書妙絕吾所兄真書小低猶抗行論文作詩俱不敵看君談

笑收降旌去年逾月方出晝

公自注予去年自齊月餘爲君劇飲幾滯首今

年過我雖少畱寂寞陶潛方止酒

公自注此行公別時流涕攬

君鬢懸知此懼墮空虛松下縱橫餘屐齒門前輾轉想君車怪

君一身都是德近之清潤淪肌骨細思還有可恨時不許藍橋

見傾國

公自注公擇有婢名雲英屢欲出未果

次韻答舒教授觀余所藏墨

異時長笑王會稽野鷺臙腥汗刀几暮年卻得庾安西自厭家

雞題六紙二子風流冠當代顧與兒童爭愠喜秦王十八已龍  
飛嗜好晚將蛇蚓比我生百事不挂眼時人繆說云工此世間  
有癖念誰無傾身障簾尤堪鄙一生當著幾緡屐定心肯爲微  
物起此墨足支三十年但恐風霜侵髮齒非人磨墨磨人餅  
應未罄墨先恥逝將振衣歸故國數畝荒園自鋤理作書寄君  
君莫笑但覓來禽與青李一螺點漆便有餘萬竈燒松何處使  
君不見永甯第中擣龍麝列屋閑居清且美倒壘連眉秀嶺浮  
雙鴉畫鬢香雲委時聞五斛賜蛾綠不惜千金求獺髓聞君此  
詩當大笑寒窗冷硯冰生水

答范攄甫

吾州下邑生劉季誰數區區張與李重瞳遺跡已塵埃惟有黃

樓臨泗水

公自注郡有聽事俗謂之霸王聽

而今太守老且寒

相傳不可坐僕拆之以

俠氣不洗儒生酸猶勝白門窮呂

布欲將鞍馬事曹瞞

### 次韻答王定國

每得君詩如得書宣心寫妙書不如眼前百種無不有知君一  
以詩驅除傳聞都下十日雨青泥沒馬街生魚舊雨來人今不  
來悠然獨酌臥清虛我雖作郡古云樂山川信美非吾廬願君  
不廢重九約念此衰冷勤呵噓

芙蓉城

蘇軾引

世傳王迴子高與仙人周瑤英游芙蓉城元豐元年三

月余始識子高問之信然乃作此詩極其情而歸之正

亦變風止乎禮義之意也邵氏長蘅注胡微之作王子

高虞邵員外郎正路之次子初遇一女自言周太尉女

語王曰我於人間嗜欲未盡緣以冥契當待巾幘是以

奉尋非一朝一夕之分也又王初見周懼不敢寢更深

困甚視窗戶掩闔及入解衣聞屏幃間有喘息聲乃適

女郎已脫衣而臥天明口口餘香不散自是朝去夕

至凡百餘日又周云即預朝列王曰朝帝耶不言其詳

由此候去不來者數日忽一夕夢周道服而至謂王曰

我居幽僻君能一往否喜而從之但覺其身飄然與周

同舉須臾過一嶺及一門珍禽佳木清流怪石殿閣金

碧相照遂與王自東箱門入循廊至一殿亭甚雄壯下

有三樓相視而巖亦甚雄麗廊間半開周忽入王少畱

須臾周與一女郎至周曰三山之事息乎曰雖已息柰

情何於是拊掌而去逡巡東廊之門啟有女流道裝而

出者百餘人立於庭下俄聞殿上卷簾有美丈夫一入

朝服憑几而庭下之女循次而上少頃憑几者起簾復

下諸女流亦復不見周遂命王登東廊之樓上有酒具

憑欄縱觀山川清秀梁上有碑題曰碧雲其字則真諸  
人龍雲篆王未及下一女郎復登是樓年可十五容色  
嬌媚亦周之比周曰此芳卿也與我最相愛芳卿蓋其  
字耳夢之明日周來王品以夢周笑曰芳卿之意甚勤  
也王問何地周曰芙蓉城也曰憑几者誰三山之事何  
謂周皆不對問芳卿何姓曰與我同王感其作詩遣  
周云又虞曹公狀其事以奏帝春花秋月悵惺悲泣而  
去周臨別畱詩云久事屏幃不暫閑今朝離意尙闌珊  
臨行惟有相思淚滴在羅衣一半斑按芙蓉城傳施氏  
注散入句下王注錄之亦不詳薜未見全傳又無他本  
可校茲從施氏句注中掇拾出之未免句字脫落殘闕  
多有而先生是詩大概採用其意不可略也乃附著之  
此如

芙蓉城中花冥冥誰其主者石與丁珠簾玉按翡翠屏雲舒霞  
卷千傳停中有一人長眉青炯如微雲澹疎星往來三世空鍊  
形竟坐誤讀黃庭經天門夜開飛爽靈無復白日乘雲軒俗緣

千劫磨不盡翠被冷落淒餘馨因過綏山朝帝廷夜聞笙簫弭  
節聽飄然而來誰使令皎如明月入窗櫺忽然而去不可執寒  
衾虛幌風泠泠仙宮洞房本不屬夢中同躡鳳皇翎徑度萬里  
如奔霆玉樓浮空聳亭亭天書雲篆誰所銘遶樓飛步高竚竚  
仙風鏘然韻流鈴遶遶形開如醉醒芳卿寄謝空丁甯一朝覆  
水不返餅羅巾別淚空熒熒春風花開秋葉零世閒羅綺紛臙  
腥此身流浪隨滄溟偶然相值兩浮萍願君收視觀三庭勿與  
嘉穀生蝗螟從渠一念三千齡下作人閒尹與邢

送將官梁左藏赴莫州

燕南垂趙北際其閒不合大如礪至今父老哀公孫烝土爲城

鐵作門城中積穀三百萬猛士如雲驕不戰一旦鼓角鳴地中  
帳下美人空掩面豈如千騎平時來笑譚謦欬生風雷葛巾羽  
扇紅塵靜投壺雅歌清燕開東方健兒虓虎樣泣涕懷思廉恥  
將彭城老守亦淒然不見君家雪兒唱

中秋見月寄子由

明月未出羣山高瑞光萬丈生白毫一杯未盡銀闕涌亂雲脫  
壤如崩濤誰爲天公洗眸子應費明河千斛水遂令冷看世間  
人照我湛然心不起西南大星如彈丸角尾奕奕蒼龍蟠今宵  
注眼看<sub>不</sub>見更許螢火爭清寒何人<sub>小</sub>艤舟臨古汴千燈夜作魚  
龍變曲折無心逐浪花低昂赴節隨歌板

客公自注是夜賈詩癸  
舟中放水燈



滅沒轉前山浪颭風迴豈復堅明月易低人易散歸來呼酒更  
重看堂前月色愈清好咽咽寒蠶鳴露草卷簾推戶寂無人窗  
下呻吟惟楚老公自注輩將見過有一夢瑤臺客  
人明朝人事隨日出恍然一夢瑤臺客

答王鞏

公自注鞏將見過有詩自謂惡客戲之

汴泗遶吾城城堅如削鐵中有李臨淮號令肝膽裂古來彭城  
守未省怕惡客惡客云是誰祥符相公孫是家豪逸生有種書漢

外戚傳是家輕族人是家字本之

千金一擲頗黎盆連車載酒來不飲外酒嫌

其村子有千

千

我有萬株菊任子滿頭插團團見花不見目

醉中插花歸花重

壓折軸問客何所須客言我愛山青山自遶

郭不要買山錢。此外有黃樓樓下一河水。美哉洋洋乎。可以療飢。竝洗耳。彭城之游樂。復樂客惡何如。主人惡。

九日黃樓作

去年重陽不可說。南城夜半千漚發。水穿城下作雷鳴。泥滿城頭飛雨滑。黃花白酒無人問。日暮歸來洗韉韞。豈知還有今年把。瑣對花容一呷。莫嫌酒薄紅粉陋。終勝泥中千柄鋪黃樓。新成壁未乾。清河已落霜。初殺朝來白露如。細雨南山不見千尋剎。樓前便作海茫茫。樓下空聞櫓鳴。軋薄寒中人老。可畏熱酒燒腸氣。先壓煙消日出見。漁村遠水鱗鱗山。鬢鬢詩人猛士雜。龍虎餘公自注。坐客三十。楚舞吳歌亂我鳴。一杯相屬君勿辭。

此景何殊泛清霄

李思訓畫長江絕島圖

山蒼蒼江茫茫大孤小孤江中央崖崩路絕猿鳥去惟有喬木  
攙天長客舟何處來棹歌中流聲抑揚沙平風軟望不到孤山  
久與船低昂戔戔兩煙鬟曉鏡開新妝舟中賈客莫漫狂小姑  
前年嫁彭郎

次韻王鞏獨眠

居士身心如槁木旅館孤眠體生粟誰能相思琢白玉服藥千  
朝償一宿天寒日短銀燈續欲往從之車脫軸何人吹斷參差  
竹泗水茫茫鴈頭綠

登雲龍山

醉中走上黃茅岡。滿岡亂石如羣羊。岡頭醉倒石作牀。仰看白  
雲天茫茫。歌聲落谷秋風長。路人舉首東南望。拍手大笑使君  
狂。

次韻僧潛見贈

道人胸中水鏡清。萬象起滅無逃形。獨依古寺種秋菊。要伴騷  
人餐落英。人閒底處有南北。紛紛鴻鴈何曾冥。閉門坐穴一禪  
榻。頭上歲月空崢嶸。今年偶出爲求法。欲與慧劍加礪硎。雲衲  
新磨山水出。霜髭不剪兒童驚。公侯欲識不可得。故知倚市無  
傾城。秋風吹夢過淮水。想見橘柚垂空庭。故人各在天一角。相

望落落如晨星彭城老守何足顧棗林桑野相邀迎千山不憚  
荒店遠兩腳欲趁飛猿輕多生綺語磨不盡尙有宛轉詩人情  
猿吟鶴唳本無意不知下有行人行空堦夜雨自清絕誰使掩  
抑啼孤惻我欲仙山掇瑤草傾筐坐歎何時盈簿書鞭扑盡填  
委蕭蕭燒栗宜宵征乞取摩尼照濁水共看落月金盆傾

次韻潛師放魚

法師說法臨泗水無數天花隨塵尾勸將淨業種西方莫待夢  
中呼起起衰哉若魚竟坐口遠愧知幾穆生醴況逢孟簡對盧  
全不怕校人欺子美疲民尙作魚尾赤數罟未除吾穎泚法師  
自有衣中珠不用辛苦沙泥底

百步洪 並引

王定國訪余於彭城一日棹小舟與顏長道攜盼英卿  
三子游泗水北上聖女山南下百步洪吹笛飲酒乘月  
而歸余時以事不得往夜著羽衣伫立黃樓上相視而  
笑以爲李太白死世間無此樂三百餘年矣定國旣去  
逾月復與參寥師放舟洪下追懷曩游已爲陳迹喟然  
而歎故作二詩一以遺參寥一以寄定國且示顏長道  
舒堯文邀同賦云

長洪斗落生跳波輕舟南下如投梭水師絕叫鳧鴈起亂石一  
線爭磋磨有如兔走鷹隼落駿馬下注千丈坡斷絃離柱箭脫

手飛電過隙珠翻荷四山眩轉風掠耳但見流沫生千渦  
嶮中得樂雖一快何異水伯夸秋河我生乘化日夜逝坐覺一念逾  
新羅紛紛爭奪醉夢裏豈信荆棘埋銅駝覺來俯仰失千劫回  
視此水殊委蛇君看岸邊蒼石上古來篙眼如蜂窠但應此心  
無所住造物雖駛如吾何回船上馬各歸去多言譊譊師所呵  
佳人未肯回秋波幼與欲語防飛梭輕舟弄水買一笑醉中盪  
槳肩相磨不學長安閭里俠貂裘夜走臙脂坡獨將詩句擬鮑  
謝涉江共採秋江荷不知詩中道何語但覺兩頰生微渦我時  
羽服黃樓上坐見織女初斜河歸來笛聲滿山谷明月正照金  
叵羅柰何捨我入塵土擾擾毛羣欺臥馳不念空齋老病叟退

食誰與同委蛇時來洪上看過迹忍見嚴齒青苔窠詩成不覺  
雙淚下悲吟相對惟羊何欲遣佳人寄錦字夜寒手冷無人呵  
夜過舒堯文戲作

先生堂上霜月苦弟子讀書喧兩廡推門入室書縱橫蠟紙燈  
籠晃雲母先生骨清少眠臥長夜默坐數更鼓耐寒石研欲生  
冰得火銅餅如過雨郎君欲出先自贊坐客斂衽誰敢侮明朝  
阮籍過阿戎應作義之羨懷祖

次韻舒堯文祈雪霧豬泉

長笑蚺醫一寸腹銜水吐雹何時足蒼鵝無罪亦可憐斬頸橫  
盤不敢哭豈知泉下有豬龍臥枕雷車踏陰軸前年太守爲旱



請雨點隨人如撒菽太守歸國龍歸泉至今人詠淇園綠我今  
又復罹此旱凜凜疲民在溝瀆卻尋舊跡叩神泉坐客仍攜王  
子淵看草中和樂職頌新聲妙語慰華顛曉來泉上東風急須  
上冰珠老蛟泣怪詞欲逼龍飛起嶮韻不量吾所及行看積雪  
厚埋牛誰與春工掀百蟄此時還復借君詩餘力汰輒仍貫筌  
揮毫落紙勿言疲驚龍再起震失匙

石炭

並引

彭城舊無石炭元豐元年十一月始遣人訪獲於州之  
西南白土鎮之北治鐵作兵犀利勝常云

君不見前年雨雪行人斷城中居民風裂肝溼薪半束抱衾櫬

日暮敲門無處換豈料山中有遺寶磊落如礫萬車炭流瀉迸  
液無人知陣陣腥風自吹散根苗一發浩無際萬人鼓舞千人  
看投泥潑水愈光明燦玉流金見精悍南山栗林漸可息北山  
頑鑛何勞鍛爲君鑄作百鍊刀要斬長鯨爲萬段

作書寄王晉卿忽憶前年寒食北城之游走筆爲此詩

北城寒食煙火微落花胡蝶作團飛王孫出游樂忘歸門前驄  
馬紫金韉吹笙帳底煙霏霏行人舉頭誰敢睇扣門狂客君不  
麾更遣傾城出翠帷書生老眼省見稀畫圖但覺周昉肥別來  
春物已再菲西望不見紅日圍何時東山歌采薇把盞一聽金  
縷衣

雪齋

公自注杭僧法言作雪山於齋中

君不見峨眉山西雪千里北望成都如井底春風百日吹不消  
五月行人如凍蟻紛紛市人爭奪中誰信言公似贊公人閒熱  
惱無處洗故向西齋作雪峰我夢扁舟入吳越長廊靜院燈如  
月開門不見人與牛

公自注言有詩見寄惟見空庭滿山雪云林下閑看水牯牛

月夜與客飲杏花下

杏花飛簾散餘春明月入戶尋幽人褰衣步月踏花影炯如流  
水涵青蘋花閒置酒清香發爭挽長條落香雪山城薄酒不堪  
飲勸君且吸杯中月洞簫聲斷月明中惟憂月落酒杯空明朝  
卷地春風惡但見綠葉栖殘紅

田國博見示石炭詩有鑄劍斬佞臣之句次韻答之

楚山鐵炭皆奇物知君欲斫姦邪窟屬鏤無眼不識人楚國何  
曾斬無極玉川狂直古遺民救月裁詩語最真千里妖蠶一寸  
鐵地上空愁蟻蝨臣

舟中夜起

微風蕭蕭吹荻蒲開門看雨月滿湖舟人水鳥兩同夢大魚驚  
竄如奔狐夜深人物不相管我獨形影相嬉娛暗潮生渚弔寒  
蚓落月挂柳看懸蛛此生忽忽憂患裏清境過眼能須臾雞鳴  
鐘動百鳥散船頭擊鼓還相呼

次韻秦太虛見戲耳聾

君不見詩人借車無可載，  
得錢何足賴。晚年更似杜陵翁，  
右臂雖存耳先聾。人將蟻動作牛鬪，  
我覺風雷真一噫。聞塵掃盡根性空，  
不須更枕清流派。大朴初散失渾沌，  
六鑿相攘更勝敗。眼花亂墜酒生風，  
口業不停詩有債。君知五蘊皆是賊，  
人生一病今先差。同楚切但恐此心終未了，  
不見不聞還是礙。今君疑我特佯聾，  
故作嘲詩窮嶮怪。須防額癢出三耳，  
莫放筆端風雨快。

送劉寺丞赴餘姚

中和堂後石楠樹，與君對牀聽夜雨。  
玉笙哀怨不逢人，但見香煙橫碧縷。  
謳吟思歸出無計，坐想蟋蟀空房語。  
明朝鎖鑰放觀

潮豪氣正與潮爭怒銀山動地君不看獨愛清香生雲霧別來  
聚散如宿昔城郭空存鶴飛去我老人閒萬事休君亦洗心從  
佛祖手香新寫法界觀眼淨不覩登伽女餘姚古縣亦何有龍  
井白泉甘勝乳千金買斷顧渚春似與越人降日注

### 王鞏清虛堂

清虛堂裏王居士閉眼觀身心一作如止水水中照見萬象空敢  
問堂中誰隱几吳興太守老且病堆案滿前長渴睡願君勿笑  
反自觀夢幻去來殊未已長疑安石恐不免未信犀首終無事  
勿將一念住清虛居士與我蓋同耳

### 送淵師歸徑山

我昔嘗爲徑山客至今詩筆餘山色師住此山三十年妙語應  
須得山骨谿城六月水雲蒸飛蚊猛捷如花鷹羨師方丈冰雪  
冷蘭膏不動長明燈山中故人知我至爭來問訊今何似爲言  
百事不如人兩眼猶能書細字

公自注徑山夏無蚊余舊詩云  
問龍乞水歸洗眼欲看細字銷

年殘

### 與胡祠部游法華山

隄湖欲盡山爲界始見寒泉落高派道人未放泉出山曲折虛  
堂瀉清快使君年老尙兒戲綠棹紅船舞澎湃一笑翻杯水濺  
裙餘歡濯足波生隘長松攬天龍起立蒼藤倒谷雲崩壞仰穿  
蒙密得清曠一覽震澤吁可怪誰云四萬八千頃渺渺東盡日

所麗歸塗十里盡風荷清唱一聲聞露殢嗟予少小慕真隱白  
髮青杉天所械忽逢佳士與名山何異枯楊便馬疥君猶驚鶴  
偶飄墮六翩如雲豈長鍛不將新句紀茲游恐負山中清淨債  
又次前韻贈賈耘老

具區吞滅三州界浩浩湯湯納千派從來不著萬斛船一羣漁  
舟恣奔快仙壇古洞不可到空聽餘瀾鳴泚泚今朝偶上法華  
嶺縱觀始覺人寰隘山頭臥碣弔孤冢下有至人僵不壞空餘  
白棘網秋蟲無復青蓮出幽怪我來徒倚長松下欲掘茯苓親  
洗曬聞道山中富奇藥往往靈芝雜葵莚詩人空腹待黃精生  
事只看長柄械公自注子美詩云長鑱長鑿  
白木柄我生托子以爲命今年大熟期一飽



食葉微蟲真癖疥公自注今歲有小白花半落紫穠香攘臂欲  
助磨鎌鍛安得山泉變春酒與子一洗尋常債

趙閱道高齋

見公奔走謂公勞聞公隱退云公高公心底處有高下夢幻去  
來隨所遭不知高齋竟何義此名之設緣吾曹公年四十已得  
道俗緣未盡餘伊舉功名富貴俱逆旅黃金知繫何人袍超然  
已了一大事挂冠而去真秋毫坐看猿猱落置罔兩手未肯置  
所操乃知賢達與愚陋豈直相去九牛毛長松百尺不自覺企  
而羨者蓬與蒿我欲贏糧往問道未應舉臂辭廬敖

過新息畱示鄉人任師中公自注任時知瀘州亦坐事對獄

昔年嘗羨任夫子卜居新息臨淮水怪君便爾忘故鄉稻熟魚

肥信清美竹陂鴈起天爲鼎

公自注小竹陂在縣北

桐柏煙橫山半紫公自

注桐柏廟在縣南

知君坐受兒女困悔不先歸弄清泚塵埃我亦失收

身此行踰蹬尤可鄙寄食方將依白足附書未免煩黃耳往雖不及來有年詔恩儻許歸田里卻下關山入蔡州爲買烏犍三

百尾

公自注黃州出水牛

### 定惠院寓居月夜偶出

幽人無事不出門偶逐東風轉良夜參差玉宇飛木末繚繞香煙來月下江雲有態清自媚竹露無聲浩如瀉已驚弱柳暮絲垂尙有殘梅一枝亞清詩獨吟還自和白酒已盡誰能借不辭

青春忽忽過但恐懽懽年年謝自知醉耳愛松風會揀霜林結  
茅舍浮浮大甌長炊玉潤潤小槽如壓蔗飲中真味老更濃醉  
裏狂言醒可怕閉門謝客對妻子倒冠落佩從嘲罵

次韻前篇

去年花落在徐州對月酣歌美清夜今年黃州見花發小院閉  
門風露下萬事如花不可期餘年似酒那禁瀉憶昔扁舟泊巴  
峽落帆樊口高桅亞長江衮衮空自流白髮紛紛甯少借竟無  
五畝繼沮溺空有千篇淩鮑謝至今歸計負雲山未免孤衾眠  
客舍少年辛苦真食蓼老境安閑如啖蔗飢寒未至且安居憂  
患已空猶夢怕穿花踏月飲村酒免使醉歸官長罵

安國寺尋春

臥聞百舌呼春風。起尋花柳村。同城南古寺。修竹合小房。曲檻欹深紅。看花歎老憶年少。對酒思家愁老翁。病眼不羞雲母亂鬢絲。強理茶煙中。遙知二月王城外。玉仙洪福花如海。薄羅勻霧蓋新妝。快馬爭風鳴雜珮。玉川先生真可憐。一生耽酒終無錢。病過春風九十日。獨抱添丁看花發。

寓居定惠院之東。雜花滿山。有海棠一株。土人不知貴也。江城地瘴蕃草木。只有名花苦幽獨。嫣然一笑竹籬間。桃李漫山總麤俗。也知造物有深意。故遣佳人在空谷。自然富貴出天姿。不待金盤薦華屋。朱脣得酒暈生臉。翠袖卷紗紅映肉。林深

霧暗曉光遲。日暖風輕春睡足。雨中有淚亦悽愴。月下無人更  
清淑。先生食飽無一事。散步逍遙自捫腹。不問人家與僧舍。拄  
杖敲門看修竹。忽逢絕豔照衰朽。歎息無言揩病目。陋邦何處  
得此花。無乃好事移西蜀。寸根千里不易到。銜子飛來定鴻鵠。  
天涯流落俱可念。爲飲一樽歌此曲。明朝酒醒還獨來。雪落紛  
紛那忍觸。

次韻樂著作野步

老來幾不辨西東。秋後霜林且強紅。眼暈見花真是病。耳虛聞  
蟻定非聰。酒醒不覺春彊半。睡起常驚日過中。植杖偶逢爲黍  
客。披衣閑詠舞雩風。仰看落藥收松粉。俯見新芽摘杞叢。楚雨

還昏雲夢澤吳潮不到武昌宮

公自注黃州對岸武昌縣有孫權故宮

廢興古郡

詩無數寂寞閑窗易粗通解組歸來成二老風流他日與君同

王齊萬秀才寓居武昌縣劉郎洑正與伍洲相對伍子胥

奔吳所從渡江也

君家稻田冠西蜀擣玉揚珠三萬斛塞江流柿起書樓碧瓦朱  
欄照山谷傾家取樂不論命散盡黃金如轉燭惟餘舊書一百  
車方舟載入荆江曲江上青山亦何有伍洲遙望劉郎陂明朝  
寒食當過君請殺耕牛壓私酒與君飲酒細論文酒酣訪古江  
之濱仲謀公瑾不須弔一酹波神英烈君

陳季常自岐亭見訪郡中及舊州諸豪爭欲邀致之戲作

陳孟公詩一首

孟公好飲甯論斗醉後關門防客走不妨開過左阿君百謫終  
爲賢太守老居闔里自浮沈笑問柏松何苦心忽然載酒從陋  
巷爲愛揚雄作酒箴長安富兒求一過千金壽君君笑唾汝家  
安得客孟公從來只識陳驚坐

武昌銅劍歌並引

供奉官鄭文嘗官於武昌江岸裂出古銅劍文得之以  
遺余治鑄精巧非鍛冶所成者

雨餘江清風卷紗雷公躡雲捕黃虵虵行空中如狂矢電光煜  
煜燒虵尾或投以塊鏗有聲雷飛上天虵入水水上青山如削

鐵神物欲出山自裂細看兩鴛生碧花猶是西江老蛟血蘇子  
得之何所爲荆綬彈鋏詠新詩君不見淩煙功臣長九尺腰閒  
玉具高挂頤

石芝

並引

元豐三年五月十一日癸酉夜夢游何人家開堂西門  
有小園古井井上皆蒼石石上生紫藤如龍虵枝葉如  
赤箭主人言此石芝也余率爾折食一枝眾皆驚笑其  
味如雞蘇而甘明日作此詩

空堂明月清且新幽人睡息來初勻了然非夢亦非覺有人夜  
呼祁孔竄披衣相從到何許朱欄碧井開瓊戶忽驚石上堆龍



地玉芝紫筍生無數鏘然敲折青珊瑚味如蜜藕和雞蘇主人  
相顧一撫掌滿堂坐客皆盧胡亦知洞府嘲輕脫終勝嵇康羨  
王烈神山一合五百年風吹石髓堅如鐵

與子由同游寒谿西山

散人出入無町畦朝游湖北暮淮西高安酒官雖未上兩腳垂  
欲穿塵泥與君聚散若雲雨共惜此日相提攜千搖萬兀到樊  
口一箭放酒先鳧鷖層層草木暗西嶺瀏瀏霜雪鳴寒谿空山  
古寺亦何有歸路萬頃青玻瓈我今漂泊等鴻鴈江南江北無  
常栖幅巾不擬過城市欲踏徑路開新蹊公自注路有直入  
憂別後不忍到見子行迹空餘悽吾儕流落豈天意自坐迂闊

非人擠行逢山水輒羞歎此去未免勤鹽齏何當一遇李八百  
相裛白髮分刀圭

五禽言

並引

梅聖俞嘗作四禽言余謫黃州寓居定惠院遶舍皆茂  
林修竹荒池蒲葦春夏之交鳴鳥百族土人多以其聲  
之似者名之遂用聖俞體作五禽言

使君向蘄州更唱蘄州鬼我不識使君甯知使君死人生作鬼  
會不免使君已老知何晚

公自注王元之自黃移蘄州聞曉鳥  
問其名或對曰此名蘄州鬼元之惡

之果卒

於蘄

南山昨夜雨西谿不可渡谿邊布穀兒勸我脫破袴不辭脫袴

人

之

七古

蘇軾中

言

谿水寒水中照見催租瘢公自注土人謂布穀爲脫卻破袴

去年麥不熟挾彈規我肉今年麥上場處處有殘粟豐年無象

何處尋聽取林閒快活吟公自注此鳥聲云麥飯熟卽快活

力作勺作蠶絲一百箔瓏上麥頭昂林閒桑子落願儂一箔干

兩絲繅絲得蛹飼爾雛公自注此鳥聲云蠶絲一百箔

姑惡姑惡姑不惡妾命薄君不見東海孝婦死作三年乾不如

廣漢龐姑去卻還公自注姑惡水鳥也俗云婦以姑虐死故其聲云

鐵拄杖並引

柳真齡字安期閩人也家寶一鐵拄杖如柳栗木牙節宛轉天成中空有簧行軋微響柳云得之浙中相傳王

審知以遺錢銀鏐以賜一僧柳偶得之以遺余作此詩  
謝之

柳公手中黑虵滑千年老根生乳節忽聞鏐然爪甲聲四座驚  
顧知是鐵含簧腹中細泉語迸火石上飛星裂公言此物老有  
神自昔閩王餉吳越不知流落幾人手坐看變滅如春雪忽然  
贈我意安在兩腳未許甘褻歇便尋轍迹訪崆峒徑渡洞庭探  
禹穴披榛覓藥採芝菌刺虎鏃蛟搗蛇蝎會教化作兩錢錐歸  
來見公未華髮問我鐵君無恙否取出摩挲向公說

### 四時詞

春雲陰陰雪欲落東風和冷驚簾幙漸看遠水綠生漪未放小

桃紅入夢佳人瘦。盡雪膚肌眉斂。春愁知爲誰深。院無人。剪刀響。應將白紵作春衣。

垂柳陰陰日初永。蔗漿酪粉金盤冷。簾額低垂紫燕忙。蜜脾已滿。黃蜂靜。高樓睡起翠眉嚬。枕破斜紅未肯勻。玉腕半揎雲碧。袖樓前。知有斷腸人。

新愁舊恨眉生綠。粉汗餘香在。斵竹象牀。素手熨寒衣。爍爍風燈動。華屋夜香燒。龍槍重扇。香霧空濛。月滿庭。抱琴轉軸無人見。門外空聞裂帛聲。

霜葉蕭蕭鳴屋角。黃昏陡覺羅衾薄。夜風搖動鎮帷犀。酒醒夢回聞雪落。起來呵手畫雙雅。醉臉輕勻。襯眼霞真態。生香誰畫。

得玉奴纖手嗅梅花

二蟲

君不見水馬兒步步逆流水大江東流日千里此蟲趯趯長在此君不見鷓鴣濫堆決起隨衝風隨風一去宿何許逆風還落蓬蒿中二蟲愚知俱莫測江邊一笑無人識

徐使君分新火

臨皋亭中一危坐三見清明改新火溝中枯木應笑人鑽斫不然誰似我黃州使君憐久病分我五更紅一朵從來破釜歸江魚只有清詩嘲飯顆起攜蠟炬遶空屋欲事煎烹無一可爲公分作無盡燈照破十方昏暗鎖

蜜酒歌

並引

西蜀道人楊世昌善作蜜酒絕醕釀余既得其方作此歌以遺之

眞珠爲漿玉爲醴六月田夫汗流泚不如春蠶自生香蜂爲耕  
耘花作米一日小沸魚吐沫二日眩轉清光活三日開甾香滿  
城快瀉銀瓶不須撥百錢一斗濃無聲甘露微潤醕醕清君不  
見南園採花蜂似雨天教釀酒醉先生先生年來窮到骨問人  
乞米何曾得世間萬事眞悠悠蜜蜂大勝監河侯

又一首答二猶子與王郎見和

脯青苔炙青蒲爛蒸鵝鴨乃瓠壺煮豆作乳脂爲酥高燒油燭

斟蜜酒。貧家百物初。何有古來百巧出窮人。搜羅假合亂天真。  
詩書與我爲勦斲。醞釀老夫成摺紳。質非文。是終難久脫冠還。  
作扶犁叟。不如蜜酒無熈寒。冬不加甜夏不酸。老夫作詩殊少。  
味愛此三篇。如酒美封胡羯末。已可憐。不知更有王郎子。

次韻孔毅父集古人句見贈五首

羨君戲集他人詩。指呼市人如使兒。天邊鴻鵠不易得。便令作。  
對隨家雞。退之驚笑子美泣。問君久假何時歸。世閒好句世人。  
共。明月自滿千家墀。

紫駝之峰人莫識。雜以雞豚真可惜。今君坐致五侯鯖。盡是猩。  
脣與熊白。路旁拾得半段槍。何必開鑪鑄矛戟。用之如何在我。



耳入手當令君喪魄

天下幾人學杜甫誰得其皮與其骨割如太華當我前跛特欲  
上驚嶢嶢名章俊語紛交衡無人巧會當時情前生子美只君  
是信手拈得俱天成

詩人雕刻閑草木搜抉肝腎神應哭不如默誦千萬首左抽右  
取談笑足夜吟石鼎聲悲秋可憐好事劉與侯何當一醉百不  
問我欲眠矣君歸休

齋明蘭臭俱自焚象耳翠羽戕其身多言自古爲數窮微中有  
時堪解紛癡人但數羊羔兒不知何者是左慈千章萬句卒非  
我急走捉君應已遲

上巳日與二三子攜酒出游隨所見輒作數句明日集之  
爲詩故詞無倫次

薄雲霏霏不成雨杖藜曉入千花塢柯邱海棠吾有詩獨笑深  
林誰敢侮三杯卯酒人徑醉一枕春睡日亭午竹閒老人不讀  
書畱我閉門誰教汝出檐聚枳十圍大寫真素壁千蛟舞東坡  
作塘今幾尺攜酒一勞農工苦卻尋流水出東門壤垣古塹花  
無主臥開桃李爲誰妍對立鵲鵲相媚嫵開樽藉草勸行路不  
惜春衫汙泥土褰裳共過春草亭扣門卻入韓家園轆轤繩斷  
井深碧鞦韆索挂人何所映簾空復小桃枝乞漿不見鷹門女  
南山古臺臨斷岸雪陣翻空迷仰俯故人餽我玉葉羹火冷煙

消誰爲煮崎嶇束縕下荒徑姪姪隔花聞好語更隨落景盡餘  
樽卻傍孤城得僧宇主人勸我洗足眠倒牀不復聞鐘鼓明朝  
門外泥一尺始悟三更雨如許平生所向無一遂茲游何事天  
不阻固知我友不終窮豈弟君子神所予

次韻孔毅父久旱已而甚雨三首

飢人一夢飯甌溢夢中一飽百憂失只知夢飽本來空未悟眞  
飢定何物我生無田食破硯爾來硯枯磨不出去年太歲空在  
酉傍舍壺漿不容乞今年旱勢復如此歲晚何以黔吾突青天  
蕩蕩呼不聞況欲稽首號泥佛甕中蜥蜴尤可笑跂跂脈脈何  
等秩陰陽有時雨有數民是天民天自卹我雖窮苦不如人要

亦自是民之一形容雖是喪家狗未肯弭耳爭投骨倒冠落幘  
謝朋友獨與蚊雷共圭華故人曠我不開門君視我門誰肯屈  
可憐明月如潑水夜半清光翻我室風從南來非雨候且爲疫  
人洗蒸鬱褰裳一和快哉謠未暇飢寒念明日此章專詠久旱  
去年東坡拾瓦礫自種黃桑三百尺今年刈草蓋雪堂日炙風  
吹面如墨平生嬾惰今始悔老大勤農天所直沛然例賜三尺  
雨造化無心悅難測四方上下同一雲甘霖不爲龍所隔公自注俗  
有分龍日蓬蒿下溼迎曉來燈火新涼催夜織老夫作罷得甘寢臥  
聽牆東人響屐奔流未已坑谷平折輦枯荷恣漂溺腐儒麤糲  
支百年力耕不受眾目憐破陂漏水不耐旱人力未至求天全

會當作塘徑千步橫斷西北遮山泉四鄰相率助舉杵人人知

我囊無錢明年共看決渠雨飢飽在我甯關天誰能伴我田間

飲醉倒惟有支頭甄此章前半喜已得雨後半將謀作塘

天公號令不再出十日愁霖併爲一君家有田水冒田我家無

田憂入室不如西州楊道士萬里隨身惟兩膝沿流不惡汭亦

佳一葉扁舟任飄突山芎麥麴都不用泥行露宿終無疾夜來

飢腸如轉雷旅愁非酒不可開楊生自言識音律洞簫入手清

且哀不須更待秋井塌見人白骨方銜杯此章詠甚雨而及楊道士○施注先生爲

楊道士書一帖云僕謫居黃岡綿竹武都山道士○楊世昌子京

自廬山來過余其人善畫山水能鼓琴又一帖云十月十五日  
夜與楊道士泛舟赤壁飲醉夜半有一鶴自江南來翅如車輪  
嘎然長鳴掠余舟而西不知其爲何祥也按次毅父韻第三首

載西州楊道士凡數聯因此帖知爲世昌詩中又言善吹洞簫其自廬山從公蓋壬戌之夏前赤壁賦云客有吹洞簫者殆是也楊

孔毅父以詩戒飲酒問買田且乞墨竹次其韻

酒中真復有何好  
益生雖賢未聞道  
醉時萬慮一掃空  
醒後紛紛如宿草  
一年揩洗見真妄  
石女無兒焦穀槁  
此身何異貯酒瓶  
滿帆予人空自倒  
武昌痛飲豈吾意  
性不違人遭客惱  
君家長松十畝陰  
借我一菴聊洗心  
我田方寸耕不盡  
何用百頃糜千金  
枕書熟睡呼不起  
好學憐君工雜擬  
且將墨竹換新詩  
潤色何須待東里

任師中挽辭

大任剛烈世無有疾惡如風朱伯厚小任溫毅老更文聰明慈  
愛小馮君兩任才行不須說疇昔竝友吾先人相看半作晨星  
沒可憐太白與殘月大任先去豕未乾小任相繼呼不還強寄  
一樽生死別樽中有淚酒應酸貴賤賢愚同盡耳君家不盡緣  
賢子人閒得喪了無憑只有天公終可倚

和蔡景繁海州石室

施注蔡景繁名承禧東坡在黃有答

前某嘗攜家一游時有胡琴婢就室中作渡索涼州凜  
然有冰車鐵馬之聲婢去久矣因公復起一念若果游  
此必有新篇當破戒奉和也又云海上奇觀恨不與公  
同游大篇或可追賦景繁往游既賦詩坡爲屬和前所  
述皆指石曼卿後車胡琴云云皆帖中語意又前年聞  
閣云云卽所謂婢去久矣因公復起一念用此帖爲證  
而詩乃繁然因公復起一念  
寓用陳鴻長恨傳楊妃語也

芙蓉仙人舊游處曼公自注石卿也蒼藤翠壁初無路戲將桃核裹黃

泥石閒散擲如風雨坐令空山作錦繡倚天照海花無數花閒

石室可容車流蘇竇蓋窺靈宇何年霹靂起神物玉棺飛出王

喬墓當時醉臥動千日至今石縫餘糟醕山人一去五十年花

老石空誰作主手植數松今偃蓋蒼髯白甲低瓊戶曼卿自注敘石

我來取酒醉先生後車仍載胡琴女一聲冰鐵散巖谷海爲瀾

翻松爲舞以上公自敘嘗攜家一游有婢彈胡琴爾來心賞復何人持節中郎醉

無伍獨臨斷岸呼出日紅波碧巘相吞吐徑尋我語覓餘聲拄

杖彭鏗叩銅鼓長篇小字遠相寄一唱三歎神懷楚江風海雨

入牙頰似聽石室胡琴語以上因蔡寄詩七占我今老病不出門海

人牙頰似聽石室胡琴語以上因蔡寄詩七占我今老病不出門海



山巖洞知何許門外桃花自開落牀頭酒甕生塵土前年開閣  
放柳枝今年洗心參佛祖夢中舊事時一笑坐覺俯仰成今古  
願君不用刻此詩東海桑田真旦暮

和秦太虛梅花

西湖處士骨應槁只有此詩君壓倒東坡先生心已灰爲愛君  
詩被花惱多情立馬待黃昏殘雪消遲月出蚤江頭千樹春欲  
闌竹外一枝斜更好孤山山下醉眠處點綴裙腰紛不掃萬里  
春隨逐客來十年花送佳人老去年花開我已病今年對花還  
草草不知風雨卷春歸收拾餘香還畀昊

再和潛師

化工未議蘇羣槁先向寒梅一傾倒江南無雪春瘴生爲散冰  
花除熱惱風清月落無人見洗妝自趁霜鐘蚤惟有飛來雙白  
鷺玉羽瓊枝鬪清好吳山道人心似水眼淨塵空無可掃故將  
妙語寄多情橫機欲試東坡老東坡習氣除未盡時復長篇書  
小草且撼長條飡落英忍飢未擬窮呼昊

生日王郎以詩見慶次其韻竝寄茶二十一片

折楊新曲萬人趨獨和先生于薦于但信櫝藏終自售豈知盤  
脫本無樵謁從冰叟來游宦肯伴臞仙亦號儒棠棣竝爲天下  
士芙蓉會到海邊郭不嫌霧谷羶松柏終恐虹梁荷棟桴高論  
無窮如鋸屑小詩有味似連珠感君生日遙稱壽祝我餘年老

不枯未辦報君青玉案建谿新餅截雲腴

過江夜行武昌山上聞黃州鼓角

清風弄水月銜山幽人夜渡吳王峴黃州鼓角亦多情送我南  
來不辭遠江南又聞出塞曲半雜江聲作悲健誰言萬方聲一  
概豈憤龍愁爲余變我記江邊枯柳樹未死相逢真識面他年  
一葉泝江來還吹此曲相迎餞

自興國往筠石田驛南廿五里野人舍

谿上青山三百疊快馬輕衫來一抹倚山修竹有人家橫道清  
泉和我渴芒鞋竹杖自輕軟蒲薦松牀亦香滑夜深風露滿中  
庭惟有孤螢自開闌

將至筠先寄遲適遠三猶子

露宿風飡六百里明朝飲馬南江水未見豐盈犀角兒先逢玉  
雪王郎子對牀欲作連夜語念汝還須戴星起夜來夢見小於  
菟猶是髭髭垂兩耳憶過濟南春未動三子出迎殘雪裏我時  
移守古河東酒肉淋漓渾舍喜而今憔悴一羸馬逆旅擔夫相  
汝爾出城見我定驚嗟身健窮愁不須恥我爲迺翁留十日掣  
電一歡何足恃惟當火急作新詩一醉兩翁勝酒美

別子由三首兼別遲

知君念我欲別難我今此別非他日風裏楊花雖未定雨中荷  
葉終不溼三年磨我費百書一見何止得雙璧願君亦莫歎留

滯六十小劫風雨疾

先君昔愛洛城居我今亦過嵩山麓水南卜宅吾豈敢試向伊川買修竹又聞緱山好泉眼傍市穿林瀉冰玉遙想茅軒照水開兩翁相對清如鵲

兩翁歸隱非難事惟要傳家好兒子憶昔汝翁如汝長筆頭一落三千字世人聞此皆大笑慎勿生兒兩翁似不知樽櫟薦明堂何似鹽車壓千里

郭祥正家醉畫竹石壁上郭作詩爲謝且遺二古銅劍空腸得酒芒角出肝肺槎牙生竹石森然欲作不可回吐向君家雪色壁平生好詩仍好畫書牆宛壁長遭罵不瞋不罵喜有

餘世閒誰復如君者一雙銅劍秋水光兩首新詩爭劍鋌劍在  
牀頭詩在手不知誰作蛟龍吼

龍尾硯歌

並引

余舊作鳳咮石硯銘其略云蘇子一見名鳳咮坐令龍  
尾羞牛後已而求硯於歙歙人云子自有鳳咮何以此  
爲蓋不能平也奉議郎方君彥德有龍尾大硯奇甚謂  
余若能作詩少解前語者當奉餉乃作此詩

黃琮白琥天不惜顧恐貪夫死懷璧君看龍尾豈石材玉德金  
聲寓於石與天作石來幾時與人作硯初不辭詩成鮑謝石何  
與筆落鍾王硯不知錦茵玉匣俱塵垢擣練支牀亦何有況瞋

蘇子鳳咮銘戲語相嘲作牛後碧天照水風吹雲明窗大几清  
無塵我生天地一閑物蘇子亦是支離人麤言細語都不擇春  
蚓秋蛇隨意畫願從蘇子老東坡仁者不用生分別

張近幾仲有龍尾子石硯以銅劒易之

我家銅劒如赤蛇君家石硯蒼璧橢而霍君持我劒向何許大  
明宮裏玉佩鳴衝身我得君硯亦安用雪堂窗下爾雅箋蟲魚  
二物與人初不異飄落高下隨風花蒨緌玉具皆外物視草草  
玄無等差君不見秦趙城易璧指圖睨柱相矜誇又不見二生  
妾換馬驕鳴啜泣思其家不如無情兩相與永以爲好譬之桃  
李與瓊華

此等爲後世惡詩  
所藉口最不宜學

張作詩送硯反劒乃和其詩卒以劒歸之

贈君長鋏君當歌每食無魚歎委蛇一朝得見暴公子櫺具欲  
與冠爭戟豈比杜陵貧病叟終日長鑱隨短囊斬蛟刺虎老無  
力帶牛佩犢吏所訶故將換硯豈無意恐君瑀琢傷天和作詩  
反劒亦何謂知君欲以詩相磨報章苦恨無好語試向君硯求  
餘波詩成劒往硯應笑那將屋漏供懸河

眉子石硯歌贈胡閻

君不見成都畫手開十眉橫雲卻月爭新奇游人指點小嚬處  
中有漁陽胡馬嘶又不見王孫青瑣橫雙碧腸斷浮空遠山色  
書生性命何足論坐費千金買消渴爾來喪亂愁天公謫向君



家書硯中小窗虛幌相嫵媚令君曉夢生春紅毗耶居士談空處結習已空花不住試教天女爲磨鉛千偈瀾翻無一語

送沈達赴廣南

嗟我與君皆丙子四十九年窮不死君隨幕府戰西羌夜渡冰河斫雲壘飛塵漲天箭灑甲歸對妻孥真夢耳我謫黃岡四五  
年孤舟出沒煙波裏故人不復通問訊疾病飢寒疑死矣相逢握手一大笑白髮蒼顏略相似我方北渡脫重江君復南行輕  
萬里功名如幻何足計學道有身真可喜句漏丹砂已付君汝  
陽糴盜吾何恥君歸趁我雞黍約買田築室從今始

豆粥

君不見庠沱流漸車折軸公孫倉黃奉豆粥溼薪破竈自燎衣  
飢寒頓解劉文叔又不見金谷敲冰草木春帳下烹煎皆美人  
萍蠶豆粥不傳法叫嗟而辦石季倫干戈未解身如寄聲色相  
纏心已醉身心顛倒自不知更識人間有真味豈如江頭千頃  
雪色蘆茅檐出沒晨煙孤地碓舂粳光似玉沙餅煮豆軟如酥  
我老此身無著處賣書來問東家住臥聽雞鳴粥熟時蓬頭曳  
履君家去

秦少游夢發殯而葬之者云是劉發之柩是歲發首薦秦  
以詩賀之劉涇亦作因次其韻

君看三代士執雉本以殺身爲小補居官死職戰死綏夢尸得

官真古語五行勝己斯爲官官如草木吾如土仕而未祿猶賓  
客待以純臣蓋非古餽馬曰獻稱寡君豈比公卿相爾汝世衰  
道微士失己得喪悲歡反其故草袍蘆簞相嫵媚飲食嬉游事  
羣聚曲江船舫月燈毬是謂舞殯而歌墓看花走馬到東野餘  
子紛紛何足數二生年少兩豪逸詩酒不知軒冕苦故令將仕  
夢發棺勸子勿爲官所腐塗車芻靈皆假設著眼細看君勿誤  
時來聊復一飛鳴進隱不須煩伍舉

龜山辯才師

此生念念浮雲改寄語長淮今好在故人宴坐虹梁南新河巧  
出龜山背木魚呼客振林莽鐵鳳橫空飛綵繪忽驚堂宇變雄

深坐覺風雷。生驚欬羨師。游戲浮漚閒。笑我榮枯彈指內。嘗茶  
看畫亦不惡。問法求詩了無礙。千里孤帆又獨來。五年一夢誰  
相對。何當來世結香火。永與名山躬井磴。

贈潘谷

潘郎曉踏河陽春。明珠白璧驚市人。那知望拜馬蹏下。胸中一  
斛泥與塵。何似墨潘穿破褐。琅琅翠餅敲玄笏。布衫漆黑手如  
龜。未害冰壺貯秋月。世人重耳輕目前。區區張李爭嬖妍。一朝  
入海尋李白。空看人間畫墨仙。

赫山松林中可卜。居余欲僦其地。地屬金山。故作此詩與

金山元長老

魏王大瓠無人識種成何翅實五石不辭破作兩大尊只憂水  
淺江湖窄我材濩落本無用虛名驚世終何益東方先生好自  
譽伯夷子路并爲一杜陵布衣老且愚信口自比契與稷暮年  
欲學柳下惠嗜好酸鹹不相入金山也是不羈人蚤歲聞名晚  
相得我醉而嬉欲仙去旁人笑倒山謂實問我此生何所歸笑  
指浮休百年宅蒜山幸有閑田地招此無家一房客

蔡景繁官舍小閣

使君不獨東南美典刑尚記先君子戲嘲王叟短轅車肯爲徐  
郎書紙尾三年弭節江湖上千首放懷風月裏手開西閣坐虛  
明目淨東谿照清泚素琴濁酒容一榻落霞孤鷺供千里大舫

何時繫門柳。小詩屢欲書。窗紙文昌新。構滿鸛鷺。都邑正喧收。  
杞梓相逢一醉。豈有命南來寂寞君歸矣。

十八家詩鈔卷十四

善化黃維申襄校